

গণপ্রজাতন্ত্রী বাংলাদেশ সরকার
সুরক্ষা সেবা বিভাগ
স্বরাষ্ট্র মন্ত্রণালয়
মাদক-১ শাখা
www.ssd.gov.bd

নং-৫৮.০০.০০০০.০৬১.১৪.০০২.১৯.৩৬

তারিখ : ২৫ বৈশাখ, ১৪২৯
০৫ মে, ২০২২

বিষয়ঃ বেসরকারি মাদকাসক্তি নিরাময় ও পুনর্বাসন কেন্দ্রগুলির জন্য সরকারি অনুদান সংক্রান্ত নীতিমালা, ২০২২।

বাংলাদেশকে ২০৪১ খ্রিস্টাব্দের মধ্যে একটি উন্নত দেশ হিসাবে গড়িয়া তুলিবার লক্ষ্যে সরকার বিভিন্ন উন্নয়ন ও জনকল্যাণমুখী কর্মসূচি গ্রহণ করিয়াছে। সরকার নির্বাচনী ইশতেহার, ২০১৮ এ মাদকের বিরুদ্ধে জিরো টলারেন্স নীতি অব্যাহত রাখিবার ঘোষণা করিয়াছে। সরকারের নির্বাচনী ইশতেহারে তরুণদের মাদকের ভয়াল আসক্তি হইতে মুক্ত করিতে প্রতিটি জেলায় সরকারি মাদকাসক্তি নিরাময় ও পুনর্বাসন কেন্দ্র স্থাপন এবং বেসরকারি মাদকাসক্তি নিরাময় ও পুনর্বাসন কেন্দ্রগুলির জন্য সরকারি অনুদান বাড়াইবার নির্দেশনা রহিয়াছে। সেই পরিপ্রেক্ষিতে “বেসরকারি মাদকাসক্তি নিরাময় ও পুনর্বাসন কেন্দ্রগুলির জন্য সরকারি অনুদান সংক্রান্ত নীতিমালা, ২০১৯” প্রণয়ন করা হইয়াছিল। উক্ত নীতিমালাকে যুগোপযোগী করিয়া “বেসরকারি মাদকাসক্তি নিরাময় ও পুনর্বাসন কেন্দ্রগুলির জন্য সরকারি অনুদান সংক্রান্ত নীতিমালা, ২০২২” প্রণয়ন করা হইল।

- ১। শিরোনাম।- এই নীতিমালা “বেসরকারি মাদকাসক্তি নিরাময় ও পুনর্বাসন কেন্দ্রগুলির জন্য সরকারি অনুদান সংক্রান্ত নীতিমালা, ২০২২” নামে অভিহিত হইবে।
- ২। প্রয়োগ ও প্রবর্তনা।-
 - (ক) এই নীতিমালা ০১ জানুয়ারি, ২০২২ তারিখ হইতে কার্যকর হইবে।
 - (খ) মাদকদ্রব্য নিয়ন্ত্রণ অধিদপ্তর হইতে লাইসেন্স প্রাপ্ত বেসরকারি মাদকাসক্তি নিরাময় কেন্দ্র ও মাদকাসক্তি পুনর্বাসন কেন্দ্রগুলির জন্য এই নীতিমালা প্রযোজ্য হইবে।
- ৩। সংজ্ঞা।- বিষয় বা প্রসঙ্গের পরিপন্থি কোন কিছু না থাকিলে এই নীতিমালায়ঃ
 - (ক) “বেসরকারি মাদকাসক্তি নিরাময় কেন্দ্র” অর্থ মাদকদ্রব্য নিয়ন্ত্রণ আইন, ২০১৮ (সংশোধিত ২০২০) এর ধারা ২(৩২) এবং বেসরকারি পর্যায়ে মাদকাসক্তি নিরাময় কেন্দ্র, মাদকাসক্তি পুনর্বাসন কেন্দ্র ও মাদকাসক্তি পরামর্শ কেন্দ্র প্রতিষ্ঠা ও পরিচালনা বিধিমালা, ২০২১ এর বিধি ২(ছ) এ বর্ণিত বেসরকারি মাদকাসক্তি নিরাময় কেন্দ্রকে বুঝাইবে;
 - (খ) “বেসরকারি মাদকাসক্তি পুনর্বাসন কেন্দ্র” অর্থ মাদকদ্রব্য নিয়ন্ত্রণ আইন, ২০১৮ (সংশোধিত ২০২০) এর ধারা ২(১৮) এবং বেসরকারি পর্যায়ে মাদকাসক্তি নিরাময় কেন্দ্র, মাদকাসক্তি পুনর্বাসন কেন্দ্র ও মাদকাসক্তি পরামর্শ কেন্দ্র প্রতিষ্ঠা ও পরিচালনা বিধিমালা, ২০২১ এর বিধি ২(ঝ) এ বর্ণিত বেসরকারি মাদকাসক্তি পুনর্বাসন কেন্দ্রকে বুঝাইবে;
 - (গ) “যাচাই-বাছাই কমিটি” অর্থ আর্থিক অনুদান প্রদানের নিমিত্ত প্রাপ্ত আবেদনপত্র বাছাইয়ের জন্য এ নীতিমালার অনুচ্ছেদ ৮ অনুযায়ী গঠিত কমিটি;
 - (ঘ) “আবেদনপত্র” অর্থ এই নীতিমালার সাথে সংযুক্ত নির্ধারিত ফরমে দাখিলকৃত আবেদন।
 - (ঙ) “আর্থিক অনুদান” অর্থ বেসরকারি মাদকাসক্তি নিরাময় ও পুনর্বাসন কেন্দ্রের সাইকিয়াট্রিস্ট, সাইকোলজিস্ট, চিকিৎসক, মার্স, কাউন্সিলর এবং অন্যান্য কর্মচারীদের বেতন/ভাতা/সম্মানি এবং প্রশিক্ষণের ব্যয়।
- ৪। অনুদান প্রদানের উদ্দেশ্য।-
 - (ক) বেসরকারি মাদকাসক্তি নিরাময় ও পুনর্বাসন কেন্দ্রসমূহে মাদকাসক্ত রোগীদের চিকিৎসা সেবার মান বৃদ্ধি করা;
 - (খ) মাদকাসক্ত রোগীদের চিকিৎসা প্রদানে সরকারের সহায়তা প্রদান;
 - (গ) মানব সম্পদ উন্নয়ন।

৫।

অনুদান প্রাপ্তির আবেদন দাখিল এবং যাচাই বাছাই পদ্ধতি।-

- (ক) মাদকদ্রব্য নিয়ন্ত্রণ অধিদপ্তরের নির্ধারিত আবেদন ফরমে (পরিশিষ্ট-ক) আবেদন করিতে হইবে;
- (খ) বেসরকারি মাদকাসক্তি নিরাময় ও পুনর্বাসন কেন্দ্রটি মাদকদ্রব্য নিয়ন্ত্রণ অধিদপ্তর কর্তৃক লাইসেন্স প্রাপ্ত হইতে হইবে;
- (গ) আবেদনপত্রের সাথে মাদকদ্রব্য নিয়ন্ত্রণ অধিদপ্তরের লাইসেন্সের কপি, গত এক বছরের সেবাপ্রাপ্ত রোগীদের তালিকা, সাইকিয়াট্রিস্ট, সাইকোলজিস্ট, চিকিৎসক, নার্স, কাউন্সিলর এবং কেন্দ্রের অন্যান্য কর্মচারীদের শিক্ষাগত যোগ্যতা ও অভিজ্ঞতা সনদ (প্রযোজ্য ক্ষেত্রে) এবং নিয়োগপত্র সংযুক্ত করিতে হইবে;
- (ঘ) প্রতিষ্ঠানটির বিগত ১ (এক) বছরের আয় ও ব্যয়ের হিসাব দাখিল করিতে হইবে;
- (ঙ) মাদকদ্রব্য নিয়ন্ত্রণ অধিদপ্তর হইতে প্রাপ্ত অর্থ যে কর্মসূচিতে ব্যয় করা হইবে তাহার একটি বিবরণী আবেদনপত্রের সহিত দাখিল করিতে হইবে;
- (চ) উপপরিচালক/সহকারী পরিচালক, জেলা মাদকদ্রব্য নিয়ন্ত্রণ কার্যালয় নীতিমালার আলোকে পরীক্ষা-নিরীক্ষান্তে তাহাদের সুপারিশ এবং জেলা প্রশাসক এর মতামতসহ সকল আবেদনপত্র নির্ধারিত সময়ের মধ্যে অধিদপ্তরের বিভাগীয় কার্যালয়ে প্রেরণ করিবেন;
- (ছ) অতিরিক্ত পরিচালক, বিভাগীয় মাদকদ্রব্য নিয়ন্ত্রণ কার্যালয়, জেলা কার্যালয় হইতে প্রাপ্ত আবেদনসমূহ নির্ধারিত সময়ের মধ্যে অধিদপ্তরের প্রধান কার্যালয়ে প্রেরণ করিবেন;
- (জ) সুপারিশকৃত মতামতসমূহ যাচাই-বাছাই কমিটি পর্যালোচনাপূর্বক সুপারিশ প্রদান করিবেন;
- (ঝ) যাচাই-বাছাই কমিটি কর্তৃক সুপারিশকৃত মতামতসমূহ মহাপরিচালক কর্তৃক অনুমোদিত হইবে। অনুমোদনকালে মহাপরিচালক যাচাই-বাছাই কমিটির সুপারিশ পুনঃবিবেচনা করিতে পারিবেন;
- (ঞ) মহাপরিচালকের সুপারিশক্রমে চূড়ান্ত অনুমোদন প্রদান করা হইবে। মহাপরিচালকের অনুমোদনের পর সংশ্লিষ্ট প্রতিষ্ঠান কর্তৃক নির্ধারিত চুক্তিপত্র (পরিশিষ্ট-খ) সম্পাদনান্তে একাউন্ট পেই (Account Payee) চেক হস্তান্তর করা হইবে;
- (ট) অসম্পূর্ণ ও ত্রুটিযুক্ত আবেদনপত্র বাতিল বলিয়া গণ্য হইবে।

৬।

অগ্রাধিকার।- বেসরকারি মাদকাসক্তি নিরাময় ও পুনর্বাসন কেন্দ্রসমূহকে অনুদান প্রদানের জন্য অগ্রাধিকার প্রদান করিবার ক্ষেত্রে নিম্নবর্ণিত বৈশিষ্ট্যসমূহ বিবেচনা করা হইবেঃ

- (ক) বেসরকারি মাদকাসক্তি নিরাময় ও পুনর্বাসন কেন্দ্রের ভৌগোলিক অবস্থান
 - (i) ঢাকা সিটি কর্পোরেশন;
 - (ii) বিভাগীয় শহর;
 - (iii) জেলা শহর;
 - (iv) জেলা শহরের বাইরে/ উপজেলায় অবস্থিত মাদকাসক্তি নিরাময় ও পুনর্বাসন কেন্দ্রসমূহ।
- (খ) নারী ও শিশুদের চিকিৎসা প্রদান করা হয় এইরূপ মাদকাসক্তি নিরাময় ও পুনর্বাসন কেন্দ্র;
- (গ) মাদক বিরোধী প্রচারণায় সক্রিয় অংশগ্রহণ;
- (ঘ) অধিদপ্তরের লাইসেন্স প্রাপ্তির পর অধিক সময় ধরিয়া পরিচালিত প্রতিষ্ঠান এবং
- (ঙ) বেসরকারি মাদকাসক্তি নিরাময় ও পুনর্বাসন কেন্দ্রের শয্যা সংখ্যা।

৭।

অনুদান প্রাপ্তির শর্তাবলী।- বেসরকারি মাদকাসক্তি নিরাময় কেন্দ্র সমূহের অনুদান প্রাপ্তির ক্ষেত্রে নিম্নবর্ণিত শর্তসমূহ প্রযোজ্য হইবেঃ

- (ক) বেসরকারি মাদকাসক্তি নিরাময় ও পুনর্বাসন কেন্দ্রটি অবশ্যই মাদকদ্রব্য নিয়ন্ত্রণ অধিদপ্তর হইতে লাইসেন্স প্রাপ্ত হইতে হইবে;
- (খ) লাইসেন্স পাইবার ০৩ বছর অতিক্রান্ত হইলে অনুদান প্রাপ্তির আবেদনের যোগ্যতা অর্জন করিবে। তবে নারী ও শিশু মাদকাসক্তদের জন্য স্থাপিত মাদকাসক্তি নিরাময় ও পুনর্বাসন কেন্দ্রের জন্য এ সময়কাল ০২ বছর;

- (গ) বেসরকারি মাদকাসক্তি নিরাময় কেন্দ্র প্রতিষ্ঠার কমপক্ষে ৩ বছরের মধ্যে বেসরকারি পর্যায়ে মাদকাসক্তি নিরাময় কেন্দ্র, মাদকাসক্তি পুনর্বাসন কেন্দ্র ও মাদকাসক্তি পরামর্শ কেন্দ্র প্রতিষ্ঠা ও পরিচালনা বিধিমালার কোন বিধান লঙ্ঘন করিয়াছে এমন কোনো অভিযোগ প্রমাণিত হইলে এই সুবিধা প্রাপ্ত হইবে না। বেসরকারি মাদকাসক্তি নিরাময় কেন্দ্র, মাদকাসক্তি পুনর্বাসন কেন্দ্র প্রতিষ্ঠা ও পরিচালনা বিধিমালা লঙ্ঘন করিলে তাৎক্ষণিকভাবে এই সুবিধা অধিদপ্তর বাতিল করিতে পারিবে;
- (ঘ) একই প্রতিষ্ঠানকে একই অর্থ-বৎসরে একাধিকবার অনুদান প্রদান করা যাইবে না;
- (ঙ) দেশের সকল এলাকার বেসরকারি মাদকাসক্তি নিরাময় ও পুনর্বাসন কেন্দ্রেগুলোকে অনুদান প্রদানের আওতায় আনিবার উদ্দেশ্যে বেসরকারি নিরাময় ও পুনর্বাসন কেন্দ্রের সংখ্যা অনুযায়ী বিভাগভিত্তিক কোটা নির্ধারণ করা হইবে;
- (চ) বেসরকারি মাদকাসক্তি নিরাময় ও পুনর্বাসন কেন্দ্রের কোন কর্মকর্তাকে অধিদপ্তর থেকে প্রশিক্ষণের জন্য মনোনিত করা হইলে বাধ্যতামূলকভাবে প্রশিক্ষণে অংশগ্রহণ করিতে হইবে;
- (ছ) এই অনুদানের অর্থ থেকে সরকার কর্তৃক নির্ধারিত বেতন কাঠামোতে খন্ডকালীন সাইকিয়াট্রিস্ট, সাইকোলজিস্ট, চিকিৎসক, নার্স, কাউন্সিলর এবং কেন্দ্রের অন্যান্য কর্মচারীদের বেতন/ভাতা/সম্মানি বাবদ ব্যয় করা যাইবে। কার্যালয় নির্মাণ, মেরামত, আসবাবপত্র ক্রয়ের জন্য অনুদানের অর্থ ব্যবহার করা যাইবে না;
- (জ) নিয়োগ-সংক্রান্ত কোনো তথ্য মিথ্যা/জালিয়াতি/ভুল প্রমাণিত হইলে অধিদপ্তর অনুদান বাতিলসহ সংশ্লিষ্ট কেন্দ্রের বিরুদ্ধে শাস্তিমূলক ব্যবস্থা গ্রহণ করিতে পারিবে।

৮। যাচাই বাছাই কমিটি।- বিভিন্ন প্রতিষ্ঠান হইতে প্রাপ্ত আবেদনসমূহ যাচাই বাছাইয়ের জন্য ০৮ (আট) সদস্য বিশিষ্ট নিম্নোক্ত কমিটি থাকিবে। এই কমিটি যাচাই-বাছাই অস্ত্রে প্রয়োজনীয় সুপারিশ পেশ করিবে।

১. অতিরিক্ত মহাপরিচালক, মাদকদ্রব্য নিয়ন্ত্রণ অধিদপ্তর	আহবায়ক
২. সুরক্ষা সেবা বিভাগের প্রতিনিধি	সদস্য
৩. পরিচালক (চিকিৎসা ও পুনর্বাসন), মাদকদ্রব্য নিয়ন্ত্রণ অধিদপ্তর	সদস্য
৪. চীফ কনসালটেন্ট, কেন্দ্রীয় মাদকাসক্তি নিরাময় কেন্দ্র, তেজগাও, ঢাকা	সদস্য
৫. সরকারি মাদকাসক্তি নিরাময় কেন্দ্রসমূহের একজন চিকিৎসক (মহাপরিচালক কর্তৃক মনোনীত)	সদস্য
৬. বেসরকারি নিরাময় কেন্দ্রসমূহের দুইজন প্রতিনিধি (মহাপরিচালক কর্তৃক মনোনীত)	সদস্য
৭. সহকারী পরিচালক (চিকিৎসা ও পুনর্বাসন), মাদকদ্রব্য নিয়ন্ত্রণ অধিদপ্তর	সদস্য সচিব

৮.১ কমিটির কার্যপরিধি।-

- ক) বিভাগীয় পর্যায়ে সুপারিশকৃত আবেদনপত্রসমূহ এই নীতিমালার আওতায় যাচাই-বাছাই করা;
- খ) যোগ্য ও অযোগ্য আবেদনের তালিকা প্রস্তুতপূর্বক নীতিমালা অনুযায়ী বিভাগ ভিত্তিক কোটা নির্ধারণ করিয়া সুপারিশসহ মহাপরিচালকের নিকট পেশ করা;
- গ) কমিটি প্রয়োজনে যেকোনো বেসরকারি মাদকাসক্তি নিরাময়/পুনর্বাসন কেন্দ্র পরিদর্শন করিতে পারিবে;
- ঘ) কমিটি প্রয়োজনে যেকোনো এক বা একাধিক সদস্যকে কমিটিতে কো-অপ্ট করিতে পারিবে।

৯। মহাপরিচালকের ক্ষমতা।- মহাপরিচালক কমিটি কর্তৃক চূড়ান্তভাবে সুপারিশকৃত প্রস্তাব অনুমোদন বা সংশোধন করিবার ক্ষমতা সংরক্ষণ করিবেন।

১০। অনুদান প্রাপ্তির সময়কাল।- অনুদান ০১ (এক) অর্থ-বৎসরের জন্য প্রদান করা হইবে। পরবর্তী অর্থ-বৎসরের জন্য পুনরায় আবেদন করতে পারিবে।

১১। অবেদনপত্র আহ্বান ও প্রক্রিয়াকরণ।- বেসরকারি মাদকাসক্তি নিরাময় ও পুনর্বাসন কেন্দ্রসমূহকে অনুদান প্রদানের জন্য নিম্নোক্ত পদ্ধতিতে আবেদনপত্র আহ্বান করিতে হইবেঃ

- (ক) বেসরকারি মাদকাসক্তি নিরাময় ও পুনর্বাসন কেন্দ্রসমূহের মধ্যে অনুদান বন্টনের নিমিত্ত মাদকদ্রব্য নিয়ন্ত্রণ অধিদপ্তরের নির্ধারিত ফরমে আবেদনপত্র আহ্বান করিয়া প্রতি বছর ৩১ মে এর মধ্যে কমপক্ষে ২টি বহল প্রচারিত



দৈনিক পত্রিকায় বিজ্ঞপ্তি প্রকাশ করিতে হইবে। আবেদনপত্র আহ্বান সংক্রান্ত বিজ্ঞপ্তি মাদকদ্রব্য নিয়ন্ত্রণ অধিদপ্তরের ওয়েবসাইটেও (www.dnc.gov.bd) প্রকাশ করিতে হইবে;

- (খ) মাদকদ্রব্য নিয়ন্ত্রণ অধিদপ্তরের ওয়েবসাইট (www.dnc.gov.bd) হতে আবেদন ফরম ডাউনলোড করিয়া ০১ জুলাই হতে ৩১ জুলাই এর মধ্যে সংশ্লিষ্ট জেলা কার্যালয়ে জমা দিতে হইবে;
- (গ) জেলা মাদকদ্রব্য নিয়ন্ত্রণ কার্যালয় নীতিমালার আলোকে আবেদনপত্রসমূহ পরীক্ষা-নিরীক্ষান্তে তাদের সুপারিশ এবং জেলা প্রশাসকের মতামতসহ নির্ধারিত ছকে বিবরণী সমেত ৩০ সেপ্টেম্বর এর মধ্যে বিভাগীয় মাদকদ্রব্য নিয়ন্ত্রণ কার্যালয়ে প্রেরণ করিতে হইবে;
- (ঘ) বিভাগীয় মাদকদ্রব্য নিয়ন্ত্রণ কার্যালয় হইতে সুপারিশসহ মতামত ৩১ অক্টোবর এর মধ্যে প্রধান কার্যালয়ে প্রেরণ করিতে হইবে;
- (ঙ) যাচাই বাছাই কমিটিকে বিভাগীয় কার্যালয় হইতে প্রাপ্ত আবেদন যাচাই বাছাই করিয়া সুপারিশ মহাপরিচালকের নিকট ১৫ মে এর মধ্যে দাখিল করিতে হইবে;
- (চ) মহাপরিচালক কর্তৃক চূড়ান্ত অনুমোদনের পর ৩১ মে এর মধ্যে অনুদান বিতরণ কার্যক্রম সম্পন্ন করিতে হইবে।

১২। অনুদানের অর্থ বন্টন পদ্ধতি।- নিম্নোক্ত পদ্ধতিতে প্রতিষ্ঠানসমূহের মধ্যে অনুদানের অর্থ বন্টন করিতে হইবে:


- (ক) মাদকদ্রব্য নিয়ন্ত্রণ অধিদপ্তর চূড়ান্তভাবে অনুমোদিত অনুদান বন্টন তালিকা অনুযায়ী প্রতিষ্ঠানসমূহের নামে পৃথক পৃথক একাউন্ট পেই (Account Payee) চেক জেলা মাদকদ্রব্য নিয়ন্ত্রণ কার্যালয় বরারব প্রেরণ করিবে;
- (খ) অনুদানপ্রাপ্ত প্রতিষ্ঠানসমূহকে চেক গ্রহণের পূর্বে সংশ্লিষ্ট জেলা মাদকদ্রব্য নিয়ন্ত্রণ কার্যালয় এবং জেলা প্রশাসক এর সাথে নির্ধারিত ফরমে (পরিশিষ্ট-খ) স্ট্যাম্প চুক্তিপত্র সম্পাদন করিতে হইবে।
- (গ) সংশ্লিষ্ট প্রতিষ্ঠানের নামে অনুদানের একাউন্ট পেই (Account Payee) চেক প্রাপকের নিকট নির্দিষ্ট অর্থ বৎসরের ৩১ মে এর মধ্যে বিতরণ সম্পন্ন করিতে হইবে।

১৩। রহিতকরণ ও হেফাজত।- (১) এই নীতিমালা কার্যকর হইবার সঙ্গে সঙ্গে বেসরকারি মাদকাসক্তি নিরাময় ও পুনর্বাসন কেন্দ্রগুলির জন্য সরকারি অনুদান সংক্রান্ত নীতিমালা, ২০১৯ রহিত হইবে।

(২) অনুচ্ছেদ (১) এর অধীন রহিতকরণ সত্ত্বেও উক্ত নীতিমালার অধীন যে সকল কার্যক্রম নিষ্পন্ন হইয়াছে তাহা এই নীতিমালার অধীন সম্পন্ন হইয়াছে বলিয়া গণ্য হইবে এবং এই নীতিমালা জারির তারিখে অনিষ্পন্ন কার্যাদি, যতদূর সম্ভব এই নীতিমালার অধীন নিষ্পন্ন করিতে হইবে।

১৪। সংশোধনের ক্ষমতা।- সরকার বিভিন্ন সময়ে সার্কুলারের মাধ্যমে নীতিমালার পরিবর্তন ও পরিবর্ধন করার ক্ষমতা সংরক্ষণ করিবে।

রাষ্ট্রপতির আদেশক্রমে,


(মোঃ মোকাম্মির হোসেন)
সচিব
সুরক্ষা সেবা বিভাগ
স্বরাষ্ট্র মন্ত্রণালয়।

গণপ্রজাতন্ত্রী বাংলাদেশ সরকার
মাদকদ্রব্য নিয়ন্ত্রণ অধিদপ্তর
সুরক্ষা সেবা বিভাগ
স্বরাষ্ট্র মন্ত্রণালয়
মাদক-১ শাখা

বেসরকারি মাদকাসক্তি নিরময় ও পুনর্বাসন কেন্দ্র এর অনুদানের আবেদন ফরম

অর্থ বছরঃ.....

- ১। বেসরকারি নিরাময়/পুনর্বাসন কেন্দ্রের নামঃ
- ২। ঠিকানাঃ..... গ্রাম/রাস্তা নং.....
সিটি কর্পোরেশন/পৌরসভা/ইউনিয়ন..... ওয়ার্ড নং.....
ডাকঘর..... উপজেলা..... জেলা.....
মোবাইল নং..... ফ্যাক্স নং..... ই-মেইল নং.....
- ৩। প্রতিষ্ঠার তারিখঃ.....
- ৪। প্রথম লাইসেন্স প্রাপ্তির নম্বর ও তারিখঃ.....
(লাইসেন্সের অনুলিপি সংযোজন করিতে হইবে)
- ৫। সর্বশেষ নবায়নের তারিখঃ.....
- ৬। কার্য এলাকাঃ.....
- ৭। বেড সংখ্যাঃ.....
- ৮। কর্মরত জনবলের বিবরণঃ সাইকিয়াট্রিস্ট, সাইকোলজিস্ট, চিকিৎসক, নার্স, কাউন্সিলর এবং কেন্দ্রের অন্যান্য কর্মচারীদের বিবরণ আলাদা ছকে (পদের নাম, সংখ্যা, শিক্ষাগত যোগ্যতা ও অভিজ্ঞতা সনদ (প্রযোজ্য ক্ষেত্রে) এবং নিয়োগপত্র ইত্যাদি তথ্যসহ) আবেদনপত্রের সাথে সংযুক্ত করিতে হইবে।
- ৯। বিগত অর্থ বছরে প্রতিষ্ঠানের আয় ও ব্যয়ের বিস্তারিত হিসাব।
- ১০। মাদকবিরোধী প্রচারণা কার্যক্রমে অংশগ্রহণের বিবরণ। (প্রমাণকসহ বিস্তারিত)।
- ১১। বর্তমান কার্যক্রমসমূহের নামঃ (১).....(৪).....
(২)..... (৫).....
(৩).....(৬).....
(কার্যক্রমের বিস্তারিত বিবরণ/বার্ষিক প্রতিবেদন সংযোজন করিতে হইবে)
- ১২। চাহিত অনুদানের পরিমাণঃ টাকা.....
- ১৩। চাহিত অনুদান যে কার্যক্রমে ব্যয় করা হইবেঃ.....

১৪। বাংলাদেশের অন্যান্য প্রতিষ্ঠান থেকে গত তিন বৎসরের অনুদানের বিবরণঃ (প্রযোজ্য ক্ষেত্রে)

১৫। আমরা এই মর্মে ঘোষণা করিতেছি যে, উপরে বর্ণিত তথ্যাবলী সম্পূর্ণ সত্য। আমরা আরও ঘোষণা করিতেছি যে, মাদকদ্রব্য নিয়ন্ত্রণ অধিদপ্তর কর্তৃক বরাদ্দকৃত আর্থিক অনুদান খরচের ব্যাপারে অর্পিত যাবতীয় শর্তাবলী আমরা মানিয়া চলিতে বাধ্য থাকিব।

.....
পরিচালক/স্বত্বাধিকারীর স্বাক্ষর (তারিখসহ)

নামঃ.....

(সীলমোহর)

১৬। অনুদান প্রাপ্তির জন্য সুপারিশকৃত/সুপারিশকৃত নহে।

স্বাক্ষর.....

উপপরিচালক/সহকারী পরিচালক, জেলা মাদকদ্রব্য নিয়ন্ত্রণ কার্যালয়

(সীলমোহর)

১৭। স্বাক্ষর

জেলা প্রশাসক

জেলাঃ

বিঃদ্রঃ আবেদনপত্রের মূলকপি প্রধান কার্যালয়ে পাঠাইতে হবে। ফটোকপি অফিস কপি হিসাবে সংরক্ষণ করিতে হইবে।

পরিশিষ্ট-খ
(নীতিমালার ৫৬ অনুযায়ী)

গণপ্রজাতন্ত্রী বাংলাদেশ সরকার
মাদকদ্রব্য নিয়ন্ত্রণ অধিদপ্তর
সুরক্ষা সেবা বিভাগ
স্বরাষ্ট্র মন্ত্রণালয়

[মাদকদ্রব্য নিয়ন্ত্রণ অধিদপ্তর কর্তৃক প্রদত্ত অনুদানের চুক্তিপত্র]

- ১। বেসরকারি নিরাময়/পুনর্বাসন কেন্দ্রের নামঃ.....
- ২। প্রতিষ্ঠানের পূর্ণ ঠিকানাঃ.....
- ৩। মাদকদ্রব্য নিয়ন্ত্রণ অধিদপ্তর কর্তৃক প্রদত্ত লাইসেন্স নম্বর ও তারিখঃ.....
- ৪। মঞ্জুরিকৃত অনুদানের পরিমাণঃ (অংকে)..... (কথায়).....
- ৫। অর্থ বছরঃ.....
- ৬। আমার প্রতিষ্ঠানের প্রতিনিধিবর্গ এই মর্মে স্বীকারোক্তি করিতেছি যে, উল্লিখিত অনুদান প্রতিষ্ঠানের নিম্নবর্ণিত কর্মসূচির জন্য ব্যবহৃত হইবে:-

(১)

(২)

(৩)

(৪)

৭। শর্তাবলীঃ

(ক) বেসরকারি নিরাময়/পুনর্বাসন কেন্দ্র প্রতিষ্ঠার কমপক্ষে ৩ বছরের মধ্যে বেসরকারি পর্যায়ে মাদকাসক্তি নিরাময় কেন্দ্র, মাদকাসক্তি পুনর্বাসন কেন্দ্র ও মাদকাসক্তি পরামর্শ কেন্দ্র প্রতিষ্ঠা ও পরিচালনা বিধিমালা, ২০২১ এর কোন বিধান লঙ্ঘন করিয়াছে এমন কোনো অভিযোগ প্রমাণিত হইলে এই সুবিধাপ্রাপ্ত হইবে না। উক্ত বিধিমালা লঙ্ঘন করিলে তাৎক্ষণিকভাবে এই সুবিধা অধিদপ্তর বাতিল করিতে পারিবে;

(খ) কোন নিয়োগ ভূয়া প্রমাণিত হইলে অধিদপ্তর অনুদান বাতিলসহ নিরাময় কেন্দ্রের বিরুদ্ধে শাস্তিমূলক ব্যবস্থা গ্রহণ করিতে পারিবে;

(গ) প্রাপ্ত অনুদানের খরচের বিবরণী অধিদপ্তর কর্তৃক সরবরাহকৃত নির্ধারিত ফরমে জেলা মাদকদ্রব্য নিয়ন্ত্রণ কার্যালয়ের উপপরিচালক/সহকারী পরিচালকের মাধ্যমে আর্থিক বছর শেষ হওয়ার একমাসের মধ্যে প্রধান কার্যালয়ে প্রেরণ করিতে হইবে।

পরিচালক/স্বত্বাধিকারীর স্বাক্ষর.....

নামঃ.....

তারিখঃ.....

স্বাক্ষর

উপপরিচালক/ সহকারী পরিচালক,
জেলা মাদকদ্রব্য নিয়ন্ত্রণ কার্যালয়
(সীলমোহর)


প্রতিস্বাক্ষর

জেলা প্রশাসক



অনুলিপি সদয় জ্ঞাতার্থে ও কার্যার্থে (জ্যেষ্ঠতার ক্রমানুসারে নয়):

- ১। মন্ত্রিপরিষদ সচিব, মন্ত্রিপরিষদ বিভাগ, বাংলাদেশ সচিবালয়, ঢাকা।
- ২। মুখ্যসচিব, প্রধানমন্ত্রীর কার্যালয়, পুরাতন সংসদ ভবন, ঢাকা।
- ৩। সিনিয়র সচিব, অর্থ বিভাগ, অর্থ মন্ত্রণালয়, বাংলাদেশ সচিবালয়, ঢাকা।
- ৪। সিনিয়র সচিব, জনপ্রশাসন মন্ত্রণালয়, বাংলাদেশ সচিবালয়, ঢাকা।
- ৫। সিনিয়র/সচিব, স্বাস্থ্য সেবা/স্বাস্থ্য শিক্ষা ও পরিবার কল্যাণ বিভাগ, বাংলাদেশ সচিবালয়, ঢাকা।
- ৬। মহাপরিচালক, এনজিও বিষয়ক ব্যুরো, প্রধানমন্ত্রীর কার্যালয়, ঢাকা।
- ৭। কমিশনার-----বিভাগ (সকল)।
- ৮। মহাপরিচালক, মাদকদ্রব্য নিয়ন্ত্রণ অধিদপ্তর, ৪১, সেগুনবাগিচা, ঢাকা।
- ৯। জেলা প্রশাসক-----বিভাগ (সকল)।
- ১০। মাননীয় মন্ত্রীর একান্ত সচিব, স্বরাষ্ট্র মন্ত্রণালয়, ঢাকা (মাননীয় মন্ত্রীর সদয় অবগতির জন্য)।
- ১১। সচিবের একান্ত সচিব, সুরক্ষা সেবা বিভাগ, স্বরাষ্ট্র মন্ত্রণালয়, ঢাকা (সচিব মহোদয়ের সদয় অবগতির জন্য)।
- ১২। উপ-পরিচালক, বাংলাদেশ সরকারি ফরমস্ ও প্রকাশনা অধিদপ্তর, তেজগাঁও, ঢাকা। (প্রজ্ঞাপনটি গেজেটের পরবর্তী সংখ্যায় প্রকাশ এবং ৫০ (পঞ্চাশ) কপি সুরক্ষা সেবা বিভাগে প্রেরণের জন্য অনুরোধ করা হলো)।
- ১৩। চিফ একাউন্টস এন্ড ফিন্যান্স অফিসার, স্বরাষ্ট্র মন্ত্রণালয়, সেগুনবাগিচা, ঢাকা।
- ১৪। প্রোগ্রামার, সুরক্ষা সেবা বিভাগ, স্বরাষ্ট্র মন্ত্রণালয়, ঢাকা। (বর্ণিত নীতিমালাটি ওয়েব সাইটে প্রকাশের অনুরোধসহ)
- ১৫। অফিস কপি/মাস্টার কপি।


(মুহাম্মদ আবদুর রউফ মিয়া)
উপসচিব
ফোনঃ ৯৫৭৩২২৯